



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

Qvæstio CXXIII. Quæ est secunda petitio?

**urn:nbn:de:hbz:466:1-35233**

RESP. *Pater noster, qui es in calis:*  
*Sanctificetur nomen tuum: Adueniat regnum tuum: Fiat voluntas tua, sicut in celo, & in terrâ: Panem nostrum quotidianum da nobis hodie: Et dimitte nobis debita nostra, sicut & nos dimittimus debitoribus nostris: Et ne nos inducas in tentationem, sed libera nos à malo. Quia tuum est regnum, & potentia, & gloria, in secula, Amen.*  
 Pater noster, Vide Matth. 6. 9. 11. 12. 13. & Luc. 11. 1. 2. 3. 4.

## DOMINICA XLVI.

## QVÆSTIO CXX.

*Cur præcipit Christus, ut ita Deum compellemus, Pater noster?*

RESP. Ut statim in ipso precatationis exordio, conuenientem Dei filijs reuerentiam<sup>a</sup> & spem in Deum<sup>b</sup>, in nobis excitet, quæ nostræ precatationis fundamentum esse debet: nimirum, Deum propter Christum nobis patrem factum esse<sup>d</sup>, & quæ vera fide ab eo petimus, nobis multo minus negare, quam parentes nostri nobis bona terrena denegant<sup>e</sup>.

<sup>a</sup>Leuit. 19. 3. <sup>b</sup>Esa. 63. 15. 16. 17. Luc. 11. 11. <sup>c</sup>Iacob 1. 6. 7. 8. 9. <sup>d</sup>Ioh. 1. 12. Eph. 1. 6. <sup>e</sup>Mat. 7. 11. Ps. 103. 13. Esa. 49. 15. 16.

## QVÆSTIO CXXI.

*Cur additur, Quies in calis?*

RESP. Ne de cœlesti maiestate Dei humile quippiam aut terrenum cogitemus<sup>a</sup>: simul etiam, ut ab eius omnipotentia, quæcunque animo & corpori sunt necessaria, expectemus<sup>b</sup> ac speremus.

<sup>a</sup>1. Reg. 8. 27. Act. 17. 24. 25. <sup>b</sup>Pl. 115. 3. 2. Chron. 20. 6.

## DOMINICA XLVII.

## QVÆSTIO CXXII.

*Quæ est prima petitio?*

RESP. *Sanctificetur nomen tuum:* hoc est: Da principio, ut te rectè agnoscamus<sup>a</sup>, & lucentem in omnibus operibus tuis omnipotentiam<sup>b</sup>, sapientiam<sup>c</sup>, bonitatem<sup>d</sup>, iustitiam<sup>e</sup>, misericordiam<sup>f</sup>, & veritatem<sup>g</sup> tuam veneremur, prædicemus & celebremus<sup>h</sup>: deinde ut vniuersam viram nostram, cogitationes, sermones & actiones eo semper dirigamus, ne sanctissimum nomen tuum propter nos contumelia afficiatur, sed honore potius & laudibus illustretur<sup>k</sup>.

<sup>a</sup>Eph. 1. 16. 17. <sup>b</sup>Deut. 3. 24. Rom. 1. 19. 20. <sup>c</sup>Ps. 104. 24. <sup>d</sup>Ps. 136. versibus omnibus. <sup>e</sup>Ps. 25. 10. Gen. 1. 31. <sup>f</sup>Dan. 9. 14. <sup>g</sup>Ps. 103. 8. <sup>h</sup>Ps. 111. 7. <sup>i</sup>Ps. 36. 6. <sup>j</sup>Ps. 51. 17. <sup>k</sup>Ps. 71. 8. <sup>l</sup>Ps. 31. 4.

## DOMINICA XLVIII.

## QVÆSTIO CXXIII.

*Quæ est secunda petitio?*

RESP. *Adueniat regnum tuum:* hoc est: Regas nos ita verbo, *Sacramentis*, & spiritu tuo, ut nos tibi magis magisque subiiciamus<sup>a</sup>: conserua & auge Ecclesiam tuam<sup>b</sup>: destrue o-

Vu pera

pera Diaboli<sup>c</sup>, omnemque potentiam se aduersus maiestatem tuam efferentem<sup>d</sup>; irrita fac omnia confilia, quæ contra verbum tuum & Ecclesiam capiuntur<sup>e</sup>, quoad plene tandem ac perfecte regnes<sup>f</sup>, cum eris omnia in omnibus<sup>g</sup>.

<sup>a</sup> Pſal. 143. 10. Pſal. 25. 4. 5. b Pſa. 118. 25. 26. Pſal. 51. 20. Pſal. 122. 6. 7. c Rom. 16. 20. d Pſa. 129. 5. Pſal. 5. 11. e Pſal. 83. 4. 5. 6. 17. Pſal. 9. 21. f Apoc. 22. 17. 20. g 1. Cor. 15. 24. 25. 26. 28.

DOMINICA XLIX.  
QVÆSTIO CXXIV.

*Quæ est tertia petitio?*

*\* quemadmodum  
† sic etiam*  
RESP. *Fiat voluntas tua*, \* sicut in cælo, † & in terra: hoc est: Da vt nos & omnes homines, voluntati propriæ renunciantes<sup>a</sup>, tuæ voluntati, quæ sola est sancta, prompte & sine vilo murmure pareamus<sup>b</sup>: atque ita singuli mandatum nobis munus fideliter & alacriter exequamur<sup>c</sup>, quemadmodum faciunt *Sancti & Angeli in cælo*<sup>d</sup>.

<sup>a</sup> Pſal. 141. 4. b Pſal. 119. 33. 34. 35. 133. Act. 21. 14. c Pſal. 103. 20. 21.

DOMINICA L.  
QVÆSTIO CXXV.

*Quæ est quarta petitio?*

RESP. *Panem nostrum quotidianum da nobis hodie*: hoc est: Suppedita nobis omnia quæ sunt ad hanc vitam necessaria<sup>a</sup>: vt per ea agnoscamus, te vnicum fontem esse, ex quo omnia bona emanant<sup>b</sup>; ac nisi tu benedicas omnem nostram curam & industriam, atque adeo tua ipsius do-

na, nobis infelicia & noxia esse<sup>c</sup>. Quapropter da, vt fiduciam nostram ab omnib. creaturis terrenis auersam, in te solo collochemus<sup>d</sup> *cum spe firma*.

<sup>a</sup> Pſal. 145. 15. 16. Pſ. 85. 10. 11. 12. 13. Prou. 30. 7. 8. b Pſal. 65. 3. Act. 14. 15. 17. c Deut. 8. 3. Pſal. 127. 1. 2. Prou. 10. 22. Hag. 2. 16. 17. 18. 20. d Pſal. 146. 3. 4. 5. 6. 7. Pſal. 55. 23. Pſal. 62. 9. 11.

DOMINICA LI.  
QVÆSTIO CXXVI.

*Quæ est quinta petitio?*

RESP. *Dimitte nobis debita nostra*<sup>a</sup>, sicut & nos remittimus debitoribus nostris: hoc est: Nobis miseris peccatoribus, omnia peccata nostra, atque eam etiam prauitatem concupiscentiæ, quæ in nobis etiamnum hæret<sup>b</sup>, propter Christi sanguinem ne † in actum perducisinas, quemadmodum nos quoque hoc tuæ gratiæ<sup>c</sup> *donum* in cordibus nostris † *foresperamus*, quodque firmiter nobis propositum habemus, omnibus qui nos offenderunt, ex animo<sup>d</sup> ignoscere<sup>e</sup>.

<sup>a</sup> Pſal. 51. 3. 4. 9. 11. Pſal. 25. 7. b Luc. 11. 4. 6. Rom. 4. 7. 8. Matth. 26. 28. d Matth. 18. 35. e Luc. 11. 4.

DOMINICA LII.  
QVÆSTIO CXXVII.

*Quæ est sexta petitio & septima?*

RESP. *Et ne nos inducas intentationem, sed libera nos à malo*: hoc est: Quoniam ipsi natura adeo debiles & infirmi sumus, vt ne momento quidem subsistere possimus<sup>a</sup>; infensifimi